



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris.
Theologia Universa**

Archdekin, Richard

Dilingae, 1687

Cap. IV. De Angelis, eorumque Natura, Specie, Scientia, Locutione, Lapsu,
Supplicio.

urn:nbn:de:hbz:466:1-38477

Pars I. Cap. III. De Deo Uno & Trino.

includitur in comprehensione Dei, ex qua procedit, ut
2s omnium rerum quae fieri possunt.

*Non procedit ex cognitione creaturarum ut existen-
tium. Cum enim producio Verbi sit necessaria, de-
bet procedere ex cognitione necessaria, quae est prior
visione rerum ut existentium.*

Certum est definita esse contra Arium & Sabellium
in Niceno i. &c. 4. sequentia.

I. *Verbum sive Filius esse Patri coeternum: quod
ex illo Joannis I. In principio erat Verbum, probat
S. Augustinus aliquae Patres contra Arium.*

II. *Verbum esse Patri consubstantiale, id est, ejusdem
naturæ & substantiæ, ex illo Joan. 10. Ego & Pater unus
sumus: quo loco nos liberari ab erroribus Arii & Sa-
bellii, tamquam à Scylla & Charybdi, docet S. Aug-
ustinus Tract. 16. in Joannem.*

III. *Esse Patri coqualem per omnia: contra Arium
qui dicebat Filium Patre minorem, probatur ex Apo-
stolo ad Philippenses cap. 2. Qui cum in forma Dei
est, non rapinam arbitratus est, esse se aqualem Deo:
De quo loco S. Augustinus in Psalmum 126: cap. 14. Quare
non est rapina? quia est natura.*

IV. *Quod Verbum sit verus & naturalis Dei filius,
& unus cum Patre Deus: ex illo Joan. 3. Sic Deus dile-
xit mundum, ut Filium suum unigenitum daret:
Quod si non esset naturalis, sed adoptivus, cum Ario,
ungenitus dici non possit, cum plurimi alii sint Fili-
per adoptionem.*

*Dices, cum Arianis: Quando Filius genitus est, vel
erat, vel non erat: Si erat, quare genitus est? Si non
erat, ergo aliquando non fuit: ergo non Patri coeternus.*

Resp. cum S. Basilio, & S. Augustino: Non erat antequam gigneretur, Sed erat cum gigneretur: sem-
per autem genitus, semper igitur fuit. Et S. Augustinus,
Epist. 174. ad Pascientium: Semper genitus Pater, & sem-
per nascitur Filius. Quamvis idem Augustinus anno-
ter lib. 83. quest. 9. 73. aptius dici, semper genitum es-
se, quam semper gigni, quia genitus est in Dei æternitate,
qua in se est immutabilis & indivisibilis, quamvis
coexistat omnibus partibus nostrî temporis, quod
est divisibile & successivum.

Ex Scripturis, & PP. Filio proprium est esse *Ima-
ginem solius Patris*: Quia solus Filius à solo Patre pro-
cedit ut ejus Similitudo, formaliter quidem vi sua pro-
cessionis, quod ex Augustino ad rationem Imaginis re-
quiritur & sufficit.

Ratio est, quod Pater prius quam spirat communica-
nit Filio potentiam spirativam: cum ei omnia com-
municeret, excepta (inquit Nazian.) caufalitate, id est,
potentia generandi ipsum Filium in divinis.

In Symbolo Niceno additum est *Filioque ab Ecclesie Romana, ita exigente nova heresi Græcorum, ante quam ista particula Patribus vila non fuerat necessaria.*

Similiter à PP. in Concilio Constantiensi, additum
est, qui ex Patre procedit, occasione heresis Macedo-
niæ, cuius sectatores dicebant Spiritum Sanctum esse
Facturam solius Filii.

*Spiritus Sanctus non distingueretur realiter à Fi-
lio si ab eo non procederet: Illi enim non oppone-
retur: in divinis autem sola oppositio realiter distin-
guit, ut passim docent, CC. & PP. Unde in ea hy-
pothesi Spiritus Sanctus non magis distingueretur à
Filio, quam nunc spiratio activa à Patre & Filio, in-*

ter quas defectu oppositionis, nulla est distinctio
realis.

*Pater & Filius, ex CC. Lagdunensi & Florentino, sunt
unum principium Spiritus Sancti, sicut sunt unus Deus.
Quia personis in iis est unica virtus spirativa, sicut in
tribus unica divinitas. Sunt tamen duo spirantes ad-
iective; Quia adiectiva multiplicantur pro multiplicata
suppositoria.*

*Spiritus Sanctus procedit, à Patre immediate, & me-
diata à Filio; non prius tamè à Patre, quam à Filio. Quia
actus spirandi præcisè ut est in Patre, non est complectus:
non enim infert processionem Spiritus Sancti, nisi prius
intelligatur esse in Filio.*

*Dominum propriissimum convenit Spiritu Sancto. Quia
procedit ex Amore, qui est principium Domini gratiarum.
Quamvis & de Patre & Filio Dominum propriè dicipos-
sit, quatenus se dñe nobis per gratiam, gloriam, &c.
juxta illud Isaiae 9. Filius datus est nobis.*

*Dices porro, contra æqualitatem Personarum divi-
narum. Relationes divinae ab invicem distinguuntur
specie, vel quasi specie, cum non possint ad plura indi-
vidua singulis multiplicari. Atque ea quæ sunt specie
distincta sunt inæqualia: Ergo & Personæ sunt inae-
quales.*

Resp. breviter, neg. minorem: nam & idem est in
ubicacionibus ejusdem locati ad diversa spatia, & in si-
milibus omnino æqualis perfectionis, quis tamen ubi-
cationes, & similes, specie differre passim Philosophi
& Theologi agnoscunt, præsertim qui statuant modos
illorum distinctiones.

CAPUT IV.

*De Angelis, eorumque Natura, Specie, Scientia,
Activitate, Locutione, Lapsu, Supplicio.*

§. I.

Angeli natura, species, ordines.

Angelus est substantia creata, spiritualis, comple-
ta, & intellectualis, homine superior. De fidei
dari Angelos: & probatur ex Scripturis, nominatim ex
Psalmo 8. qui de hominibus loquens dicit, *ministris tu-
pulo manus ab Angelis.*

*Dividitur autem ordo Angelorum in tres Hierarchias,
& novem Choros.*

Prima, sive supraemæ Hierarchia; id est, sacer princi-
pus, continet Seraphim, Cherubim, & Thronos.

Secunda, continet Dominationes, Virtutes & Pot-
estates.

Tertia, sive infima, complectitur Principatus, Archi-
angelos, & Angelos.

Hæc Hierarchiarum, & Ordinum distinctio, fun-
datur inchoativè in ipsorum Angelorum natura excel-
lentiori: complectè aurem in diversis gratia munisterià
Deo attributis.

Hos Ordines Angelorum cum ceteris Patribus agno-
scit antiquissimus Dionysius Areopagita lib. de celesti
Hierarchia, ubi assertur se illos accepisse à præceptore
suo D. Paulo, vel certè ab Herotheo, de quibus fatus
hic Suarez lib. 1. cap. 13.

*Angelos Custodes hominibus deputari, est de fide ex
Scripturis Psalmo 90. v. 11. Genesis cap. 48. Matthæus.
Angeli corum semper evidens faciem Patriæ mei. Singulis
hom*

homini bus singulos dari Angelos custodes, & non tantum pluribus aliquando unum, quamvis non sit de fide, ut communius agnoscunt Doctores: oppositum tamen sensent temerarium, eo quod non videatur variis locis Scripturæ satis conforme. Docet Magister & H. Victorinus unum aliquando Angelum plurium hominum curam gerere. Tostatus tradit probabiliter Personas publicas v. gr. Reges, & Pontifices, duos habere Angelos custodes. S. Justinus Martyr q. 430. afferit eundem Angelum non depun-
tum custodia alterius hominis mortuo priori suo cli-
ente. Granadas cum pluribus ex Scripturis probabili-
ter colligit, ad custodiæ Regnum, Provinciarum,
Civitatum, & Communitatum aliquos esse Angelos in
particulari deputatos.

Officia custodiae Angelicæ præcipua sunt, clien-
tem ad bonum excitare, à malo avertire immutando phantasiam, passiones &c. pericula & eorum cau-
sis amoliri, dæmonis impetus & tentationes nimias
reundere, pro clente orare, & illius preces Deo of-
ferere, ut Tobie 12. Apocal. 8. Illius animam in Purga-
torio solari, & demum ad cœlum deducere, ut de La-
zaro Luce 26.

Sunt Angeli omnino *incorporei*. Est communis Ca-
tholicorum contra Cajetanum, &c. Idque docet Con-
cilium Lateranense, non definit, ut quidam volunt.
Non potest tamen sine temeritate negari, cum nullum
sit fundamentum illis affingendi corpus aliquod sub-
tile.

Nec refert quod Synodus VI. approbet Angelos
posse pingi, quia per hoc non approbat rationem ad-
iectam, scilicet quia sunt corporei.

§. II.

Activitas Angelorum.

Ordinariè Angelii *assumunt corpora ex aere*, & va-
poribus ab ipsis formata, & subinde ita solidata, ut
sint palpabilia, ut cum Abraham lavat eorum pedes Gen.
18. Et Jacob cum Angelo luctatus est, Gen. 32. Unde
istud Christi, *papate quia Spiritus carnis non habet*, con-
vincit quidem suppositis Christi prædictiōibus & mi-
raculis, de sua corporali resurrectione, sed non abso-
lutè ex sola corporis assumpti sensibili palpatione.

Possunt etiam assumere *corpora vivæ*, in iis operatio-
nes aliquo modo spiritibus propriis ita exercendo, ut
iis represententur Angelii in persona propriâ. Dæmon
tamen non recte dicitur assumere corpus Energumeni,
sive posselli: nam nullo loquitur adhuc ibi in persona pro-
pria.

Angelus non potest *vivificare* per se corpus assump-
tum, seu cum eo, ut cum sua comparte, constitueret u-
nus vivens. Cum enim ipse Angelus sit actus comple-
tus, non potest venire in compositionem entis per se ex
partibus incompletis, ut est materia & forma unita.

Unde non potest per corpus assumptum exercere
operationes intrinsecè *vitales*, ut sunt sensations &c.
qua necessariò procedunt à principio intrinsecò vi-
tali.

Neque potest Angelus in Corpore assumpto bapti-
zare: Quia non potest proferre verba locutione vi-
tali. Neque Dæmon potest generare proprie, sed so-
lum improprie, semine ab animali deciso ad generatio-
nem concurrendo: non vero, ut vult Raynaudus.

Non possunt Angelii naturaliter esse in locis diffinis,
& non in medio, etiam intra sphæram sua exten-
sionis. Quia sic velut à se ipso dividiti, naturaliter repu-
gnant.

Exde
kin

Theo-
logia
D. IV

§. III.

Vibatio, Scientia Angelica.

Pars I. Cap. IV. De Angelis.

gnat limitationi entis creati, quamvis non supernatura-
liter.

Possunt Angeli esse simul, ac plures in eodem puncto:
quia carent quantitate, qua ab eodem loco excludan-
tur.

Constituuntur formaliter in loco per ubi modale, quo
eorum indifferentia tollitur, & determinantur ad exi-
stendum hic potius quam alibi.

Ubi Angelicum est spirituale & indivisibile ex parte
sui subjecti, divisibile tamen ex parte spati, cuius sin-
gulis partibus illud ut totam Angeli substantiam inti-
mè sicut.

Non potest Angelus transire ad locum distans, non
tranfundo per medium. Quia hoc illius limita-
tioni repugnat, non minus quam existere in locis dislitis,
& non in medio.

Angeli non possunt moveri in instanti ultra spatium
sibi contiguum sua sphera adaequatum. Quia non
possunt, etiam instantaneè, occupare locum majorem
maximo sibi adaequato. Quod enim repugnat in tem-
pore, etiam repugnat in instanti.

Agere in distans sine medio, repugnat limitationi entis
creati, adeoque etiam Angelis repugnat movere
corpus quod à sua sphera loco distat.

Egent Angelii speciebus ad cognitionem directam ob-
jectorum non existentium, & existentium extra sphæ-
ram sua visibilitatis. Repugnat enim limitationi crea-
ture naturaliter intueri quantumlibet distans.

Angelis spharam visibilitatis *limitatam* tribuunt,
Scotus, Bonav. & Alii, quam etiam Scriptura indicant
Iobi 1. v. 7. Matth. 12. v. 43. Significantes eos accen-
dere ad distantiæ utilia videant.

Hæc autem sphera eo major est, quo perfectiores
sunt Angeli: quanta vero sit, à nobis determinari non
potest.

Non cognoscunt *distinctè* omnia, quorum habent
species: Hoc enim excedit vim intelligendi creatam
& limitatam: habent tamen semper suarum specierum
cognitionem saltem confusam, quia liberè possunt, sicut
nos, se applicare ad hæc aut illa attentius consideran-
da: unde possunt species universalibus pro libitu uti
adæquate vel inadæquate.

Non possunt naturaliter certò cognoscere *futura stri-
ctè contingentia*, id est, à libero alterius arbitrio dependentia.
Quia istorum certa cognitio ac prædictio ex
Script. & PP. est infallibile divinitatis argumentum, ac
proinde propria soli Deo, cui essentiale est cognoscere
omne cognoscibile, secus Angelo, quia indiget deter-
minativo ex parte objecti, quale nullum datur respectu
futuri strictè contingentis.

Possunt tamen subinde illa *probabiliter* cognoscere,
ex indiciis & circumstantiis externis, ex quibus colliguunt
futuram agentis liberi determinationem.

Contingentia late, id est, independentia ab agente li-
bero, possunt cognoscere certò *certitudine physica* in
complexione suarum cauarum, ut pluvias, tonitrua,
etc. Non tamen certò certitudine *metaphysica*, id est,
infallibili, quod indicant *Scriptura Sapient. 8. & PP.*
Athan. August. & ali.

Non possunt naturaliter certò cognoscere *secreta
cordium*: Est hoc juxta varios, de fide, ex Scrip. & PP.
istorum notitiam, ut signum divinitatis, soli Deo tri-
buentibus.

Ratio est, quod creatura libera habeat jus secretis suo-
rum actuum internorum, ne alioqui impediatur ab iis

liberè eliciendis, ac proinde ut Deus non der concu-
sum ad istorum notitiam sine eliciens consensu.

§. IV.

Locutio Angelorum.

Possunt Angeli inter se loqui liberè, secretò, & ex-
citativè ad audientiam. Id enim ad Societatem
moralem eis deberet, & à Scripturis in variis locis il-
lud ipsis attribuitur.

Loquuntur Angeli non per signa *sensibilia*, aut *fi-
ritualia*, sed per *ordinationem* suorum actuum ad al-
terum, volendo ut ipsis innotescant, quo fit ut Deus
præbeat concursum specialem ei, ad quem diriguntur,
ad eorum notitiam, & quidem secretam, quæ non nisi
difficiliter haberetur per signa. Hanc Ordinationem
admittit *S. Thomas*, & vocat virtutem excitativam, quæ
inquit, loquens nihil facit in audiente, excipe, nili fru-
tus absorptus, ut debeat excitari impulsu ad intel-
lectum applicandum.

Mentiri non possunt Angeli sibi invicem loquentes:
Quia non possunt ostendere judicium, quod non ha-
bent, nec judicare esse id, quod sciunt non esse. Pos-
sunt simul loqui pluribus; dicuntur *clamare* ad in-
vicem, quando rem magnam aut magno affectu signi-
ficant.

Possunt discurrere circa illa, quæ non cognoscunt
evidenter, v.gr. ex indiciis externis probabiliter infe-
rendo secreta cordium; non circa illa, quæ cognoscunt
evidenter unico simplici intuitu, sine compositione ex-
tremorum, prædicti scil. & subjecti prius apprehe-
sorum, quæ utuntur circa invidencia: circa evidencia
autem falli nequeunt.

§. V.

Peccatum, Supplicium, &c.

O Mnes, etiam reprobri, fuerunt primo instantia
creationis *Sanctificari*. Ita contra Hugonem, A-
lenensem, Bonaventuram, docent S. Thom. Suar. Vñ
ex Script. Ezech. 28. & PP. Hier. Aug. & Joan. 8. vñ
Diabolus dicitur in veritate non sterile.

Dice, Joannis 8. dicitur Diabolus esse homicida ab
initio. Ergo non fuit à primo instanti justificatus.
Repf. Diabolus dicitur homicida ab initio, moni-
liter, id est, paulo post suam creationem quando lapsus
fuit. Cum PP. dicunt Angelos malos nusquam hi-
buisse charitatem, loquuntur de charitate confitantes &
consummata. Ex S. Augustino fuerunt quidem prius
in tenebris, intelligendo precisiè prout habuerunt se
indifferenter ad gratiam primæ creationis.

Gratiam sanctificantem primo instanti sua creatio-
nis acceperunt: non gratis, sed ut naturæ liberae con-
ventientius est, propriis meritis, non de condigno, quia
principium meriti non cadit sub merito: sed de con-
gruo, per actum amoris Dei, auxilio transeunte, illo
primo instanti elicitem. Illis enim, utpote perspicaci-
simis, mora fuit non necessaria ad deliberandum. Pa-
tres solum excludunt meritum de condigno, quando
meritum illis negare videntur.

Creati sunt juxta S. August. in *beatitudine naturali*,
ipsis connaturaliter debita, non in supernaturali; alio-
qui non potuerint peccare. Hanc ergo meruerunt de
condigno propriis actibus illâ prioribus etiam dura-
tione, & ipsis facilibus, ideo enim PP. dicunt eos sine la-
bore accepisse beatitudinem.

Angelo-

Angelorum *Via* fuit plusquam instantanea. Quia ex Augustin. Beatitudinem acceperunt in premium perfervantia, quæ dicit aliquam moram: fuit tamen, ex communis PP. ac DD. sensu, admodum brevis; quanta præcisè fuerit, determinari non potest.

Impeccabilitas non potest esse naturalis ulli creaturæ, adeoque nec Angelis. Hæc Asserio nititur sola auctoritate S. Augustini, aliorumque PP. ex Script. id colligentium: Nulla enim ratio per se convincit creaturam aliquam non posse per sua intrinseca determinari ad bonum honestum tantum, sicut potest per extrinseca Dei auxilia semper efficacia.

Primum peccatum Angelorum non fuit luxuria corporalis, ut voluit Orig. neque luxuria spiritualis sita in nimio sui amore, sed (ut ex Tobia 4. colligunt Athan. Aug. & Ambr.) *superbia*, sita, non in efficaciam præpotentiam æqualitatis cum Deo, quam sciebant esse impossibilem; neque in ambitione unionis hypostaticæ, cum hæc fuerit decreta post eorum peccatum: Sed in nimia sui estimatione & dilectione, qua ambierunt dominatum in cæteras creaturas, & nulli voluerunt subesse, nequidem Deo per actuale imperium ipsos gubernanti.

Quia hac ratione Lucifer, *Isa. 14. Ezech. 28.* voluit esse similis Altissimo, hoc est, libi ad beatitudinem sufficiens, & nullius imperio subiectus. Unde & videatur peccasse ex multiplici superbia: motivo & affectu, adeoque gravissime.

Parum ferius videtur conceptus P. Jacobi à S. Dominico, dum scribit in sua *Cassiopeia* l. i. c. 2. superbiæ Luciferi sita fusse in eo, quod voluerit assimilari Deo, non essendo, sed in agendo, scilicet absque physica prædeterminationis auxilio, contra quem Michael pro prædeterminatione illa decertans triumphavit, dicens, *Quis ut Deus?* Verum hoc neque apud D. Thomam, neque apud alios uspiam commemoratum reperimus.

Dæmones sunt *obstinati in malo*, ut quamvis physicè possint non peccare, cum ex *Dionysio*, naturalia retinentia integræ, moraliter tamen non possint: Quia sunt gratia destituti, & suis pœnis ad Dei odium vehementissime impulsi. Augustinus eis solum negat potentiam moralem ad bonum morale, non vero *Physicam*: id quoque dicendi non sunt habere physicam arbitrii inflexibilitatem.

Patiuntur à vero igne. Est hodie Catholica Doctrina, ex Script. & PP. ac præcipue ex S. Augustin. Non patiuntur ab igne eundem dolorem, quem anima corpori unita; istius enim doloris objectum est malum percepsum sensu, quo illi carent. Nec patiuntur per

solam alligationem ad locum, quæ non potest causare tantos cruciatus, quantos describunt Sancti Patres. Neque per vehementissimam apprehensionem suæ damnationis ab igne excitatam; sic enim in eis non differt pœna sensus à pœna damni. Sed verè patiuntur per qualitatem spiritualem doloriferam ab igne, ut Dei instrumento, ius impressam, quæ uruntur, non quidem propriæ, quod Spiritui repugnat: minus tamen impropriæ, quam in aliis sententiis supra expressis.

Ita *qualitas dolorifera*, est supernaturalis hoc sensu, quod superer omnem naturæ exigentiam, non quod fit ordinis divini. Disconvenit illa qualitas Angelis seipso, ut factor odoratus. Dæmones habent complacentiam de malis hominum, non tamen *gaudium formale*, cuius sunt æquè incapaces, ac Beati veræ tristitia, cum gaudium illud meritò censerit possit aliquid pœna levamine, quod in damnatis non admittitur.

Infernus, locus est pœnalis damnatorum, horrore plenus, & à Beatorum sede remotissimus, in ipso terræ centro: Hoc indicat passim *Scriptura*. In eo semper aliqui dæmonum fuerunt post eorum peccatum: *Omnes* in illum deridentur post diem judicij. Modò aliqui ex iis versantur in aere, ubi puniuntur pœna essentiali, licet non accidentaliter detentionis in carcere infernali, de quâ pœna intelligi debent Script. & PP. dum indicant dæmones necedum esse absolute damnatos, scil. per sententiam illos ad carcerem infernalem perpetuè alligatam, quæ proferetur in die extremi judicij. De his fuse *Æsius* in 2. *Diss. 6. §. 14. Cornelius à Lapide* in 2. *Petri* 2. v. 4. aliisque.

Infernus capacitas pro innumeris multitudine damnatorum (sunt enim multo plures damnandi quam salvandi) est valde angusta. Quidam dicunt continere spatium sex Leucarum horiarum cum dimidia, secundum omnem dimensionem. Idem censem distare à superficie terræ 1237. leucis horariis. De hoc puncto latius tractat noster *Derkennis de Angelis* *Diss. 7. cap. 7.*

Hereses.

Contra hanc primam Theologiae Partem recensentur hæreses singulæ, cum suis Auctoriis, & refutantur, in fine Tomi primi hujus Operis pag. 143. sub hoc Titulo, *Notitia generalis Dogmatum ab Ecclesia damnatorum*, & sequuntur ordine Alphabetico sub his Titulis in particulari, pag. 149. *Deus, Beatitudo, pag. 147. &c. Creatura, Angelus, Mundus, Præscientia, Prædestination, Diabolus, Infernus.*

PRIMA SECUNDÆ DE BEATITUDINE, ACTIBVS HUMANIS, LEGIBVS, GRATIA, ET MERITO. CAPUT PRIMUM.

De Beatitudinis essentia: De Voluntario, & Libero arbitrio.

§. I.

Beatitudo.

Beatitudo supernaturalis & formalis non consistit in aliqua Unione Physica substantiae divinae cum sub-
R. P. Arfdekk. Tom. II.

stantia animæ, ut docuit Henricus à Gandavo, *Qnodlibet. 6. quest. 6. & quodlib. 13. quest. 12.* Non etiam in vera & reali Transformatione animæ in Deum ut suum principium, ut docuerunt aliqui Contemplativi, quos redarguit Lessius, *de Summo Bono* Cap. 2. C. Dum

Esde
kin

Theo-
logia
D. V.